



## Protocol dalla radunonza generala 2025 dils 20 da mars 2026 allas 19.00, Center da sanadad Puntreis

- Tractanda 1: Beinvegni**  
Aurelia Albin dalla suprastonza beneventa las commembras presentas alla radunonza generala (RG) dalla Uniun da dunnas ed engrazia per la buna partecipaziun. Ella constatescha cun plascher che numerusas dunnas han dau suatientscha all'invitaziun. La part officiala vegn menada atras sco usitau; suenter vegn envidau ad in apéro riche.
- 42 dunnas ein presentas
- Tractanda 2: Elecziun dallas dumbravuschs**  
Sarah Huonder e Jris Lombris vegnan elegidas unanimamein sco dumbravuschs.
- Tractanda 3: Protocol dalla radunonza generala 2024**  
Il protocol dalla radunonza generala 2024 ei vegnius mess a disposiziun ordavon silla pagina d'internet. Quei ei vegniu communicau per e-mail sco era el Fegl Official. Ei dat neginas remarcas ni amplificaziuns.
- Tractanda 4: Rapport annual**  
Igl onn 2025 ei staus in special onn cun il giubileum da 100 onns Uniun da dunnas Mustér. Cun differents documents egl archiv ei semussau che l'uniun exista schizun pli ditg che 100 onns.
- Sper las occurrenzas usitadas ei vegniu empruau d'organisar mintga meins in ulteriur eveniment. Quei ei buca adina reussiu, denton ei entras quei vegniu creau ina buna basa per activitads futuras.
- La suprastonza engrazia a tuttas persunas per lur grond engaschi. Senza quel fuss la realisaziun dallas numerusas occurrenzas buca stada pusseivla.
- Cun in cuort memento vegn regurdau vid las 13 dunnas dalla vischnaunca da Mustér ch'ei mortas igl onn 2025.
- Tractanda 5: Quen annual e rapport dallas revisuras**  
La cassiera presenta il quen annual e fa attent che la summa da bilanza da sur CHF 50'000.– ei buca evidentata.  
Igl onn da quen cuoza dils 01-01-2025 entochen ils 31-12-2025.  
Il quen 2025 siara cun entradas da 13'308.20 francs ed expensas da 15'959.95 francs, pia cun ina sperdita da 2'651.75 francs. La summa da bilanza ei niev 53'675.59 francs.
- La revisura Manuela Vincenz ha repassau il quen e sa confirmar che quel ei vegnius menaus correctamein. Ella fa in grond compliment persunter alla cassiera.
- Il quen ed il rapport vegnan approvai unanimamein.
- Tractanda 6: Dar scarica alla suprastonza**  
La radunonza dat unanimamein scarica alla suprastonza.



- Tractanda 7: Preventiv e contribuziun annuala**  
Per igl onn 2026 vegn quintau cun entradas ed expensas da mintgamai 13'500 francs. Il preventiv ei pia equilibraus.
- La contribuziun annuala resta sin 20.– francs sco tochen da cheu.
- Tractanda 8: Program annual 2026**  
Il program annual ei vegnius tarmess cun l'invitaziun. Cun excepziun dalla pausa da stad (fenadur/uost) ei vegniu mess ensemen in program variont. Ulteriuras novitads ein dad anflar sin la pagina d'internet, el Fegl Ufficial ed ella nova gruppa da WhatsApp. La suprastanza selegra sin ina buna participaziun allas differentas occurrenzas ed ei vinavon aviarta per ulteriuras propostas.
- Tractanda 9: Undraziuns**  
Ursina Tuor ha dau giu il post tier il ressort affons pigns. Per siu engaschi vegn engraziu grndamein e sco reconuschientscha survegn ella fluras ed in bon.
- Niev surspren Linda Maag il post tier il ressort affons pigns ensemen cun Justina Blumenthal-Deflorin.
- Tractanda 10: Elecziun/confirmaziun dalla suprastanza**  
Leslie Flury resta vinavon en suprastanza tochen las elecziuns en in onn. Aurelia Albin ed Ursina Huonder stattan a disposiziun per ulteriurs dus onns.
- La radunonza elegia unanimamein la suprastanza:
- Leslie Flury
  - Ursina Huonder
  - Aurelia Albin
- Tractanda 11: Varia**
- Oraziun mundiala (Tina Bundi)**  
La preparaziun ha giu liug ils 11 da schaner a Cuera. Il di ei staus sut il motto «Vegni tier mei! Jeu vi dar forza a vus» ed ei vegnius preparaus da dunnas da Nigeria.
- La devoziun ha giu liug ils 6 da mars 2026 ella caplutta da Puntreis cun participaziun da ca. 20–25 dunnas. Igl ei vegniu recaltgau ina collecta per personas en Nigeria.
- Pervia dalla pintga participaziun ein las entradas stadas pli bassas che spitgau. Ei vegn recumandau da sustener la collecta era pli tard.
- L'impurtonza da motivar personas pli giuvnas da participar vegn accentuada. Il proxim termin per l'Oraziun mundiala ei fixaus sils 5 da mars 2027.
- La suprastanza constatescha che la participaziun tier diversas occurrenzas ei stada plitost mudesta.



### **Solver Rorate (Tina Bundi)**

Suenter la devoziun da Rorate ei vegniu stretg da plazzar tuts per il solver en halla Cons. Malgrad buna preparaziun han buca tuttas persunas saviu vegnir survidas. Cun dapli vischala fuss ei stau pusseivel da schar vegnir aunc 20–30 persunas dapli. Jris Lombris ei promta da gidar egl avegnir cun l'organisaziun dalla vischala supplementara en collaboraziun cun la vischnaunca.

### **Premi Desertina / Laudatio**

La suprastanza fa attents la radunonza sil laudatio per l'Unin da dunnas Mustér che Madlen Deflorin ha scret en connex cun il premi Desertina che l'uniun ha astgau retscheiver il schaner 2026.

El laudatio vegn oravontut apprezziau il grond e vast engaschi dall'uniun ch'ei per gronda part voluntaris. Il text cumplein ei d'anflar sin la pagina d'internet.

**Fin:**

19:35 uras

Invitaziun ad in apéro riche, Center da sanadad Puntreis

Disentis, ils 20.03.2026

Ursina Huonder